

Pesawah perlu daya saing



MyMetro > Mutakhir



Salahuddin Ayub (tiga dari kanan) menyerahkan sumbangan kepada penerima sempena Majlis Perasmian Pusat Belian Padi PPK Pasir Panjang dan Pertemuan Dengan Petani di Parit 7, Sungai Leman, Sekinchan. - STR/AMIRUL AIMAN HAMSUDDIN

Amirul Aiman Hamsuddin
cnews@nstp.com.my

PESAWAH di negara ini perlu lebih berdaya saing dalam usaha mendapatkan hasil padi berkualiti dan bermutu.

Menteri Pertanian dan Industri Asas Tani Datuk Salahuddin Ayub berkata, hasil padi berkualiti mampu mengurangkan peratusan padi hijau dan muda yang menimbulkan isu pemutuan komoditi itu.

"Kita mengambil langkah dengan meningkatkan teknologi dan pengetahuan dalam kalangan golongan ini (pesawah).

"Saya yakin, selepas ini, pesawah melengkapkan diri dengan ilmu ini dan hasil padi akan jadi lebih bermutu," katanya pada sidang media selepas merasmikan Pusat Belian Padi Pertubuhan Peladang Kawasan (PPK) Pasir Panjang dan pertemuan dengan petani di Parit 7, Sungai Leman, Sekinchan, hari ini.



Salahuddin (dua dari kanan) menandatangani plak sempena Majlis Perasmian Pusat Belian Padi PPK Pasir Panjang dan Pertemuan Dengan Petani di Parit 7, Sungai Leman, Sekinchan. - STR/AMIRUL AIMAN HAMSUDDIN

Beliau berkata, pihaknya kini di peringkat penelitian berhubung isu pemotongan pemutuan padi yang tinggi pada masa sekarang.

"Kita memandang serius isu yang dibangkitkan pesawah seluruh negara dan sedang mengambil langkah tertentu bagi menyelesaikannya.

"Memang dari segi perjuangan untuk pesawah, kita semacam bersetuju dengan potongan pemutuan 17 peratus, namun ada faktor lain yang kementerian perlu pertimbangkan," katanya.

Menurut Salahuddin, perkara itu perlu diselesaikan secara holistik serta melihat semua faktor sebelum membuat sebarang keputusan.

"Kalau hasil padi bermutu, kerajaan tiada masalah mengekalkan pemotongan pemutuan padi sebanyak 17 peratus," katanya.

Artikel ini disiarkan pada : Selasa, 25 September 2018 @ 4:38 PM

Mutakhir

- Hospital Miri kawal pelawat
- [UPDATE] Suspek tetak suami isteri ditahan
- Pesara didenda sebar berita palsu Covid-19
- Siling roboh, penagih dicekup
- RM1.2 juta baik pulih trek olahraga SSMZA
- Tujuh kediaman biak jentik-jentik
- Bomba selamat 11 kucing
- RM160,000 naik taraf Stadium Darul Makmur
- TLHT akhiri liga tanpa Guzal
- Ighalo terdesak beraksi di United
- Tiga sahabat sesat ditemukan selamat
- 3 nelayan dilaporkan hilang
- Unit penyelamat dalam gua perlu ditubuhkan
- Tangguh aktiviti pesisir pantai dan laut
- Liverpool tawar Van Dijk kenaikan gaji

■ Lagi Berita